

Notandum etiam de puro sale per naturã solam congelato, vel in conos, vel in sal gemmæ, hoc ad argenti cimentationes communes maximè congruere, malleabile metallum reddit præter consuetas ignitiones. Id ipsum efficit in cupro per cimentum in regulum adducto.

De sale nitro. CAP. XII.

EST & aliud salis genus quod nitrũ dicitur, compositum naturaliter ex naturali corporum animalium sale, & salibus nutrimenti simul in corpore coniunctis, à quo iam vnum ex duobus facto superfluitas in vrinam decocta & in terram decidens coquitur iterum suo tempore, magis ac magis vniuntur, vt inde sal vnicum atq; perfectum resultet, chimistica separatione per decoctionem artificialem à sua terra, in conos vel glebas apparens manifestè clarum & perspicuum: si bene separetur à superfluo sale nutrimenti nondum ab animali concoctione digesto, quum in vrinam expelleretur. In Alchimia præsertim huius vsus est frequentissimus. Recensere superuacaneum foret, quantam in eo violentiam experientia prima perniciosissimi-

fissi-